



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

**Odluka**  
**o sufinansiranju kulturne manifestacije od posebnog interesa za Grad Sarajevo**  
**8. Festival dječje umjetnosti FEDU 2022**  
**(Prijedlog)**

**Predlagač:** Gradonačelnica

**Obradivač:** Gradska služba za obrazovanje,  
kulturu, sport i mlade

**Sarajevo, april 2022. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo („Službene novine Kantona Sarajevo“, broj 10/19), Gradsko vijeće Grada Sarajeva, na \_\_. sjednici održanoj \_\_. \_\_. 2022. godine, donosi:

**(Prijedlog)**

**Odluku  
o sufinansiranju kulturne manifestacije od posebnog interesa za Grad Sarajevo  
8. Festival dječje umjetnosti FEDU 2022**

**Član 1.**

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, 8. Festival dječje umjetnosti FEDU 2022, koji će se održati u periodu od 03.05. do 07.05.2022. godine, uz finansijske obaveze Grada Sarajeva u ukupnom iznosu od 8.000,00 KM.

**Član 2.**

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

**Član 3.**

Sredstva se odobravaju iz Budžeta Grada Sarajeva za 2022. godinu („Službene novine Kantona Sarajevo“, broj 2/22), sa pozicije 614300: Tekući transferi neprofitnim organizacijama: Primjena Odluke o finansiranju kulturnih manifestacija od interesa za Grad Sarajevo.

**Član 4.**

Gradonačelnica Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

**Član 5.**

Za realizaciju ove Odluke zadužuje se gradonačelnica Grada Sarajeva.

**Član 6.**

Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

**Broj:**  
**Sarajevo, \_\_. \_\_. 2022. godine**

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

### RAZLOZI DONOŠENJA

Udruženje za promociju kulture „Fani“ uputilo je Gradskoj upravi Grada Sarajeva zahtjev za sufinansiranje kulturne manifestacije od posebnog interesa za Grad Sarajevo, 8. Festival dječje umjetnosti FEDU 2022, zaprimljen pod brojem 10-11-256/22 od 12.01.2022. godine, a koji će se održati u periodu od 03.05. do 07.05.2022. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju, te druga potrebna dokumentacija. Navedeni iznos visine sredstava planiran je za sufinansiranje troškova organizacije manifestacije.

Gradska služba za obrazovanje, sport, kulturu i mlade je, u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije, te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 11.04.2022. godine razmotrio prijedlog nadležne Službe, te je shodno valjanosti, značaju i kvalitetu ponuđenog programa svoje stručno mišljenje, kao i prijedlog visine sredstava dana 14.04.2022. godine uputio na daljnju proceduru.

Festival dječje umjetnosti FEDU 2022 je osmo izdanje prvog internacionalnog umjetničkog festivala za djecu u BiH i regionu. U okviru Festivala održava se takmičarski dio iz oblasti teatar, književnost, muzika i likovna umjetnost, a u kojima učestvuju autori iz cijele regije, kao i djeca odnosno učenici osnovnih škola u posebnoj kategoriji. Festival afirmira stvaralaštvo za djecu te dječje stvaralaštvo. Nagrade koje se dodjeljuju u okviru festivala su Grand prix „Aidin Maslačak Teatar“, „Najbolje mlado spisateljsko pero Aida“, „Aidin Maslačak Bajka“, „Aidin Maslačak Art“ te „Aidin Maslačak Note“ i dr. Ovogodišnji cilj organizatora je proširiti djelovanje festivala i određene programe realizirati, pored prethodnih lokacija, i u gradovima: Goražde, Mostar i Zenica. U periodu održavanja FEDU, kroz stalne dnevne aktivnosti prezentira se oko 300 učesnika, profesionalaca iz BiH i regije, u oblastima dramskog, literarnog, muzičkog i likovnog stvaralaštva.

Realizacijom ovog projekta, između ostalog, doprinosi se afirmaciji umjetnosti za djecu i mlade, a značajno je istaći da svake godine programe prati veliki broj gledatelja.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je, shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

### FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2022. godinu.